

摘藻堂四庫全書薈要

集部

欽定四庫全書薈要

集部

元詩選初集卷四十六

詳校官候選知縣臣吳甸華



欽定四庫全書薈要卷二萬四百六

集部

元詩選初集卷四十六 長洲 顧嗣立 編

李士瞻經濟集

士瞻字彥聞先世南陽人後徙漢上至正初以布衣遊公卿間薦為知印非其志也尋中大都路進

士第辟中書省掾累遷戶部尚書出督福建海漕就拜行省左丞召參議中書省事進參知政事改樞密副使翰林學士承旨封楚國公二十七年卒

年五十有五彥聞襟度弘遠立朝謇諤有經濟之才遺文五卷曰經濟文集子守成後名延興至正

丁酉進士官翰林檢討明洪武間嘗典邑校有一

山文集傳於世茲不復錄也

李彥聞以進士起家占籍東安四子皆知

名孫方曙明行人司副曾孫仲國子監丞侃正統壬戌進士山西巡撫僉都御史玄孫德容襄城訓導憲松江通判德恢嚴州知府德仁刑部員外郎乙未戊戌兩科進士也經濟集一山集皆曾孫仲所編次侃及德恢德仁校定焉吉安知府張廷璽又嘗合彥聞父子詩文為濟美集云

楚門述懷

我昔放船日乃在孟冬初此時風寒兢雨雪紛載塗是
行死生別妻子不得俱江南地偏下沉復在海隅嚴冬
如初秋天氣恒多殊草木未搖落布褐被體膚綱工此
邦人室家念居諸繫舟楚門灣一住十日餘我心如鋒
攢徙行念跼踟雖沐主家顧志願良未舒情雖公私牽
輕重亦異趨君家素忠義所望同吾徒王程已愆期日
夜畏簡書苟重君父憂內省還何如願君竟茲意早發
勿趑趄

贈貢泰甫先生牙笏詩

并序

牙笏一張長勁且濶古所謂記事之笏也聊為從
者之贈詩以志懷不勝增感

象簡霜凝重蒼髯雪色新轉輸勞筭用報答費經綸扶
病朝明主臨軒問老臣此時江海上人已厭風塵

壞舵歌

南溟之魚頭尾黑身長竟船頭侶鐵浮遊偃蹇氣欲吞
斜日昏冥映旗鬣照沫成煙浪花起逐我船頭趨船尾

恐是昔年未死之蠻龍一經譴斥偕厲鬼舟中健兒眼
盡白彎弓擬之三復止明日疾颺驅長雲巨颿高張萬
馬奔舟卒思家窮力使瞬息千里若不聞捩舵逆指衝
怒濤歟如生馬當春驕又如驚鵬直上千雲霄萬里一
息非為遙須更有聲如裂帛三百餘人同失色鐵梨之
木世莫比今作舵根為水齧是木之產非雷同來自桂
林日本東當時不惜千金置便欲雲仍傳勿替箕裘相
紹近百年甑已墮矣奚容言眼前生死尚未保惟有號

泣呼蒼天蒼天高高若不聞稽顙齊念天妃神我知天命固有定以誠感神豈無因少時風馴浪亦止以舵易舵得不死我今幸爾同更生開闢以來無此比女媧氏天妃神補天護國相等倫世代雖異功則均我皇開國同乾坤一年四百萬斛運麾叱雷電役五丁片艘粒米皆風汎財成本是神之功直與天地傳無窮愧無如椽五色筆磨崖刻頌驚愚蒙

送泰甫貢先生還朝便先往浙東訪妻子

聖主中興憶舊臣
白頭自分老無聞
傷心轉在朝天日
經亂纔存報主身
去國十年渾似夢
到家一飯忍忘君
太平政爾煩經濟
宣室非干問鬼神

始予發京師時已聞河南平章公克復濟南渠
魁就擒計益都之寇可不煩餘力而下矣夫大
將繫國家安危行當慎重為宗社計舟中有懷
援筆為賦是又不能不留情也大將名察罕特
穆爾字廷瑞云

久聞大將下山東一戰名成破竹中調度敢煩廊廟計
疇咨仍藉相臣功宣光接武揚先烈方虎聯勲振古風
宗社有靈須慎重毋勞親手定雌雄

紀事

風送輕帆浪送船神遊萬里水中天魚龍吹雨三更後
星月憐人午夜前夢涉關山猶惴惴起看煙水尚綿綿
賢勞詎敢言王事虎穴頻探已數年

十月十八日夜睡間紀事并懷尚書徹通理張自南
侍郎呂伯益韓汝舟皆一時煙波羈旅之人也明年

相會遂得
抵掌一笑

舟中聽雨

鴈蕩山前船夜灣
雨聲篷外響潺潺
半生萍梗何時定

萬里冥鴻與夢還
南海有珠輸上國

自議必往往泉州
希輸上意蓋伊實

羅丹回紇冀
在此處也

江東無警報杉關

近有人傳建寧官兵已
復卽武江西賊人已過

杉關衛發二
路復奉正朔

五更賦看潮生後
親見祥風起舵間

甲午歲題江漢王桀樓和達實愛滿彥修韻

大江西下思漫漫
憔悴王郎舊倚闌
貔虎晝嗥沙草白

輓轡夜轉井梧寒帛書喜託雲中鴈錦字羞題夢裏鸞
魏國山河劉社稷可憐無地望長安

春日陪讌道山亭口占

二月春明花乍殘道山亭上翠如鬟天開圖畫峯攢戟
地接蓬萊雪滿關雙鳳巢雲朝貝闕六鰲駕海出人寰
薇垣官從多時彥聽取山人半日閒

松林午憩

松林坐久午風清溪水潺潺樹有聲何處小舟撐柳外

來迎潮落去潮生

紀見

榕樹根垂荔葉齊繞簷宿霧綠初迷
鷓鴣啼徹山頭雨
午夢醒時日正西

欽定四庫全書

元
卷四十六

朱德潤存復齋集

德潤字澤民九世祖貫為睢陽五老之一其後
世渡江為吳人德潤好詩文善書札尤工畫山
水人物趙孟頫薦之駙馬瀋陽王以聞仁宗召
見玉德殿命為應奉翰林文字兼國史院編修
官未幾瀋陽王斥外表授鎮東行省儒學提舉
又明年二月大雪英宗獵于柳林召見獻雪獵
賦累萬餘言留京師英宗晏駕遂歸杜門屏處

者三十年汝穎兵起江浙行省平章薩木丹巴勒統

師東征起為行中書省照磨官叅軍事慨然應
命進安集之策遂定杭湖二郡攝守長興一歲
移疾免以至正十五年卒年七十三有存復齋
集十卷合沙俞焯稱其理到而詞不凡非詡詡
以求售于人者蜀郡虞伯生嘗曰澤民文章典
雅惜以畫事掩其名自茲以往澤民其豐於文
而嗇於畫可也蓋諷之云初澤民之大母施病

卜壙於陽抱山之原夢一衣冠偉丈夫來告曰
勿奪吾宅吾將為而孫既而治地五尺許得一
石刻曰太守陸君績之墓別有刻在旁曰此石
爛人來換石果斷矣亟掩之而更卜兆焉復夢
偉衣冠者來曰今真得為夫人孫矣是夜遂生
澤民澤民卒葬于鬱林太守之墓旁今其墓石
尚在可考也

晚春即事三首

柳絮覺春歸輕盈著處飛東風好收拾莫遣墜征衣
誰道林鶯老金衣薄更新春來復春去老却聽鶯人
柳絲綠十丈蘸水綠條鮮何事江邊客相過不繫船

十四日泊安陵

廣川六百里驛道上皇州紫極星辰近黃河日夜流村
明深夕火灘泊過年舟明發乘車去逢人說浪遊

對月

雲間一片月照我披素襟為持一樽酒聊成對月吟月

雖不解飲我來意自深
喬松引長風吹作絲篴音
瑤光映几席六合清沈沈
情舒物理暢萬古同茲心

山川圖詩呈解之昂御史

山川結靈根厚地秉陰竅
神功自模範嵒岨起雙嶠
層巒倚天開仰盼絕飛鳥
嵐光變氣候草木通溪窈
東山吾舊游紈素記行橐
平生丘壑情藉此寫懷抱
荆關竟已矣吁吮豈真好
會當躡丹梯共登天門道

次方叔淵先生自趙屯歸城中韻

晨發趙屯路郊務曷勝紀扁舟轉重灘棹激浪還泥邨
深雞競鳴時見出農耜楓林宿靄收茆屋炊煙起依稀
遠江湖漸覺近城市逢人問歸程舟子行且喜宿雨起
新漲蒹葭沒秋水思倦名利途醒心甘洗耳先生棄儒
冠高蹈出鄉里優游吳楚間生事丹砂裏壯年厭世紛
歲莫少知己欲拂珊瑚竿東溟釣青鯉學仙終難期世
事那有已得錢聊問道垂老無妻子故人懷千里豈念
固窮士

送馮海粟待制入京

人生百年間會面能幾何昔年送公去冰雪滿長河今
年送公去隄柳青婆婆春塘漾輕舸曉日生微波柔櫓
數聲動游子行不歌夢隨征帆杳思逐春流多落花粘
空樽錯落金叵羅聚散未足道且使朱顏酡

寓武林聞失火

九月五日夜抱衾方熟眠半夜聞傳呼巡官敲玉鞭連
街報遺火援救喧爭先老兵起驚訝煙焰上逼天小桶

灌滴水巨索相鈎連健兒走掠奪貧富分目前孰云可
撲滅況非燎於原錢塘輻輳地居處層樓巔版牆不隔
尺萬家手可傳一遭回祿災樂歲如凶年明朝出閭巷
行聽老翁言火患尚可延輸官憂酒錢

別後懷權贊善李仲思二宰

采采凌冬花夾道夕荆管驅車蹈前轍我僕衣裳單良
集既已定敢辭行路難懷人在東南歲晏路漫漫軒車
來何晚凝睇登躋玩蒼天雖咫尺安得生羽翰幽居竟

晨莫旅食惟加餐夜寒飄風寂水涸零露溥相思不得
寐起舞影蹢躅天垂四野靜落月金團團

和虞先生榆林中秋對月

月高星藏光天靜四山出炊煙斂林墅羣作向昏畢物
情初無干浮生自啾唧征途行復止鏡髮玄又白人生
身抱器志老劒在室百年生誰存一士死不沒兢兢凌
霜榦幽花當春發

大長公府羣花屏詩 錄三

芙蓉

夾城遺芳栽搖落及千年芙蓉發靚妝絕豔秋江邊臨
風拂羅幃紅裳擁三千素抱拒霜質亭亭赤城仙曾攜
一枝去生綃記餘妍

白茶

秋高銀河瀉碧宇淨如洗飛仙自天來幻作白茶蕊清
香不自媚迴出山谷底盈盈雙玉環婉立庭戶裏風霜
非故林雨露結新意

石榴

雨餘鳴蜩歇衆綠鬱陰翳綃囊蹙紅巾
光焰當林麗映日萼先皴臨風葉如綴
秋深薦紅實顆裂排皓齒秖應乘槎客
天上得先味

石民瞻山圖

女媧鍊五色大堊補不牢至今西天首
天近山常高嵯峨蒼雲表百鳥不敢巢
仙人十二樓城闕金宮堯下連丹砂井
皓氣冲寂寥似聞笙竽韻有客醉仙桃
採芝者

誰子霞冠赤霜袍手持長年書邀我同遊邀我今胡不
樂失志在蓬蒿思仙不得去作圖謝塵囂終當訪王子
跨鳳騰九霄

泛太湖訪友

扁舟去何所渺渺太湖陰依依桑梓邨拍拍枕寒潯飛
雲入遐睎鳥道橫青岑篙師戒勿渡柔櫓力不任我身
雖骨立未肯折壯心放船當中流浩歌激清音何當被
宮錦再作峨眉吟

題拙作小圖二首

碧山高陰岑老樹立突兀嵐光凝曉候隱現蒼林密空
谷有佳人胡寧欲行役

招提抱層巖闌楯出虛迴微微宿靄收轉見蒼林靜客
子更何之扶筇躡雲磴

黑谷東路山

高岡盤崔巍白石落絕壑鳴泉咽古竇巖麓淨如削緬
想融化初元氣下磅礴山靈托奇範株脈下連絡大峰

齊雲霄羣嶠入雲脚朱闌圍碧瓦隱見仙人宅良境不
可負行將理芒屨

和楊廉夫縣尹游山詩韻

青山倚天高崖谷入晦冥虎豹踞九關無繇閉巖扃企
想賢哲士寥落如晨星寒風健鳥翮暑雨吹魚腥竹枝
變韶舞羯鼓如雷霆黃流渾淳源浮塵滓滄溟鳳去幾
千載蒼梧山更青

贈賤紙呂生二首

玉肌勻膩粉初乾
淡淡空青印碧闌
曉日長楊新賦就
墨雲時度玉螭寒

羅文緝緝染湘流
中瑩晴空一段秋
莫問殺青千古事
漆書應讓管城侯

出郭

步出東皋隔市塵
青山高下欲迎人
汀花有意開何晚
野草無名亦自春

重過彭城

誰云河廣不容舠急漿凌風渡晚潮却望彭城舊游處
黃樓碑畔屋蕭蕭

訪劉道士

雲林深處翠微多石室春深長薜蘿當代衣冠正高貴
不須閒誦采薇歌

題趙仲穆瀛海圖

玉觀仙臺紫霧高昔騎丹鳳恣遨遊雙成不念吹笙侶
閨苑春深醉碧桃

遊梁溪暮歸

古樹呼風作雅音
石梁溪渡景沈沈
山橫宿靄曉晴薄
人倚曲闌秋思深
潁水空遺黃鶴恨
茂陵多感白頭吟
樓遲莫厭歸來晚
明月驚烏繞故林

送趙季文任湖州錄判

百里奉親官署近
萱堂春早燕呢喃
桃花紅似郎君馬
楊柳青於從事衫
苔水漁舟煙浩渺
何山書舍石巉巖
莫思杜牧尋芳晚
剩有新詩寄一緘

俞元明參軍雪中以詩招飲就和韻時學士
東泉魯公大參叔能王公御史子昭郭公同
行

上方山頭雪迷路石湖橋上作行春湖光萬頃送歸棹
山鳥一聲如喚人靜樂可忘軒冕貴清遊端勝綺羅塵
人間今古誰能賞詩思不如圖畫真

送達兼善元帥赴浙東

伏波將士出鄞東夜斬鯨鯢碧海中虎帳護寒雲蔽日

龍旗催曉浪翻風帆開鷁羽
梔星白箭拂髦頭血點紅
洗手便聽歌凱捷大藩文帥作元功

三月十八日卧病感懷

卧病兼旬忤物機夢游蓬島欲心飛
無心縮地憂行役有意談天畏是非
流水點紅桃雨霽長林迸綠筍芽肥
便須再約坡仙去為覓還山舊羽衣

和李仲節詠落花韻

谷鶯啼老雅桑新粉褪紅消
只數晨輕逐曉風粘酒尊

半和塵土上車輪香隨流水千年恨影別殘陽幾度春
却憶當時研光帽山香一曲淚沾巾

大明殿口占

絲竹聲傳鼓似雷寶裝駝象列三台從官緋紫東華入
阿母旌幢興聖來繡鳳鋪裯耀疊煖金龍纏柱展屏開
大官獻納鹽梅味獨有雙成捧玉盃

次韻王繼學叅政題美人圖

錄二

紅葉題詩

金殿風微拾墜紅題詩聊寄御溝東芳情有意隨流水
細字無心學斷鴻別館乍涼霜透幕長門深夜月移宮
才情偶爾成佳配不道周南有國風

對鏡寫真

千金畫史託鉛華難寫春心半縷霞兩面秋波隨彩筆
一奩冰影對鈿花情憐曉月秦川雁思逐朝陽漢樹鴉
不信雲間望夫石解傳顏色到君家

漢銅虎符歌

建章前殿金鳳凰兵符五出單于降漢家明詔下雞鹿
將軍夜送呼韓王棘門驃騎多猛士酒酣擊劍願効死
征和丞相佐君王從此合符兵不起霜風千年換陵谷
銅鏽土花青似玉班班只憶漢彤庭用夏那知變夷俗
當時銜命出關中編鬚豈敢要奇功平原豺獸不擇肉
印章千里空泥封

偕張清夫登道場何山

用坡仙韻

松楸夾道雲迷麓細泉無聲走空谷捫蘿倚磴行轉緩

百折峰巒看未足，鷓鴣泣雨山漫漫。
懸崖老樹蒼虬蟠，登樓倚檻俯木末。
漱泉汲澗分餘湍，老僧延坐話夙昔。
夜半談空屢前席，自言久是茲山主。
殿下長垣屢封植，山頭碧瓦如連環。
曾聞仙客來雲間，猿驚鶴怨知幾許。
伊吾聲斷愁空山，明朝煙雨開晴旦。
折花臨水春將半，我亦歸山讀故書。
何必懷僊生浩歎。

題張叅政所藏驄馬滾塵圖

盛唐太僕王毛仲，八坊分隊三花動。
當時畫馬稱曹韓，

尺素幻出真龍種玉花照夜爭新妍一馬滾塵鬣尾鮮
昂頭不受金絲絡汗血輾沙生晝煙翰林妙寫不減古
名駒染出青豪素延祐君王賞駿材金盤賜帛開當宁
時清處處生驪駒何必漢朝稱渥洼王良幸勿嗔蹏蹏
一躍天衢千里沙

仙山圖為趙彥昭賦

空同之山戴斗極疊嶂橫陳開碣石翠崖丹磴互低昂
複閣層闌轉空碧碧桃花落笙聲幽雙成吹玉彩鸞謳

跨鳳騰雲去無跡清猿嘯斷層崖秋霞光隱映山長在
寰海茫茫隔煙靄舊游仙侶謾招呼誤落人間幾千載
吳爭越戰何可數求書欲問桃源路畫圖空見避秦人
隔水漁郎不相顧

和趙季文膏栗吟

高堂風露生涼秋興來乘月登西樓杜寬對客被短
褐獨吹膏栗驚羣優移商換羽窮雕鏤笙篴匏笙聲
不侔梨園宮人清淚收昔聞此曲供王侯金花玉管

蒼鳳頭當筵咿啞和梁州緩急應節如解牛清風席
上寒颼颼闌山葉落清渭流朝供暮奉何時休歸來
白屋書謾抽走謁高貴多請求撥刺驚魚度寒湫山
空鶴怨中夜愁時作低韻同羗謳趙公一聞能解憂
先生作歌君少留昔曾天上聆鏘球翕如鸞鳳鳴丹
丘聽之不厭兩耳浮便當攜君跨雙虬拂衣和曲叅
天游

陪于思庸訓導登道山亭觀梅

用坡仙韻

道山亭下梅花邨坡仙作詩為招魂明姿照人隔寒水
瘦影帶月欺黃昏先生頗厭郡齋冷持書晚約窺山園
松風吹香清人骨地鑪煙銷酒初溫孤標已出羣卉上
故遣雪意迷晴暎和羹結子時較晚先傳春色來衡門
天寒谷幽翠袖薄豈知青鳥能傳言明晨看花重有約
呼童掃石羅清罇

陪楊仲弘先生觀董羽畫江叟吹笛天龍夜降

圖

黑雲冥冥江叟出莫泊孤舟夜吹笛怪雨盲風動地來
奔濤只欲沈江國一聲吹罷關河黑亂石隨波山樹側
雲端天矯見雙龍水氣高寒星漸沒聞聲解意似相感
一曲未終人聽寂吾聞應乾龍在天潛鱗或躍藏深淵
仙翁幻術偶驚世粉圖蕭瑟能相傳宋初董生學畫龍
龍驚皇儲真技窮三百年來似轉瞬空令丹腹留遺蹤
請君急緘卷還客叟似欲言龍欲逸淮南赤日土欲焦
祈汝飛騰作甘澤

次韻林彥栗賦小塑雙睡嬰

碧紗籠高天氣清枕肱睡熟誰家嬰
兩家提孩各一態昂頭肥腮肌骨明
仰者欠伸睫欲醒俯者肉壓絲裯平
胖脣脫乳睡涎落殷紅淹眼春嬌生
自離襁褓惡泥土況若塑就令人驚
長安美人好華侈臂環金彩嬌顏頰
低呼王孫挾金彈勿使窻外棲禽鳴

觀內殿洗馬

黃雲灑雨沙場秋灘高水平凝不流
曉霜襲透蒼駝裘

卷四十一
圍人浴馬津水頭綠驃連錢雙驂騮日光射波脂膩浮
青絲脫鞵黃金鉤輕爬短刷涇未收三花剪鬢平且柔
籊雲駿氣將無儔束芻斗豈馬羞茫茫豐草生林丘
霜蹠胡為踏長楸振鬣一躍期天游

宿楊大使書齋晨起畫扇

關河月落星垂空怒蚊如雷窺帳中屋頭初日炎霧起
坐想冰雪撐心胷人間能消幾炎熱竹馬小兒成老翁
百年事過只如夢癡蠅著人欺睡濃素紈入手意蕭爽

揮斥暑酷無餘蹤昔聞誤筆王大令我亦寫作雙長松
他時愛畫不愛扇梧桐葉落生秋風

上元夜聞有司括勘田糧并禁金玉

甲寅歲作

東風凝寒寒欲謝鳳歷初臨三五夜閒門寂寂暗塵生
聞道喧吟在官舍吾聞終歲食在農耕桑處處隨春風
東南疆界有程限何須括勘勞農功古來禮制緣人情
驕奢踰越有常刑世間金玉衆所貴謳歌樂土民懷生
普天之下皆王土日中為市通商賈四民衣食在勤生

以法急之何所措弘羊一來人意殊愁者已多歡者疎
大人不問逃亡屋世事悠悠爭可圖

為鄧靜春作幽谷圖

山深冥冥溪谷陰怪石突出當重林迴壑奔流石礪
硯寒霧噴薄浮輕岑猿猱飛攀山欲立懸崖老樹蒼
鱗溼有客擔簦負長笈欲行不行驢脚澀風吹征衣
天欲莫旅館不逢前沮渡此際遙知行路難却向今
朝畫中覩

春莫感懷

辛夷花落芳林靜
曉鳩聲乾雲欲暝
暖風吹雨綠陰生
梅子心酸猶未醒
書窗睡思將無憑
故山幽夢青崢嶸
平生自有泉石念
寸祿無干何用名
薰天富貴那足恃
厚祿未為身後計
破垣發屋笑王涯
長弃勲名如脫屣
題張樗寮楷書公孫大娘舞劍器行

飛仙墮翮堆成山
堂堂楷法留人間
宜官無徒梁鵠往
隱鋒藏角尤為難
大書五寸徑方丈
字貴緊健力出竿

八訣具全真足高不學謾草鸚哥嬌黃華老人在金國
宋季獨數張樗寮似聞高藝兩不下各抱地勢夸雄豪
今觀張書勁且奇筆力欲抵三軍師吳鉤斫斷怒蛟尾
瘦竹折石迴風枝君不見庾征西何須野鷺論家雞

春堤游子行

燕子社前春雨歇碧堤芳草連天末柳回青眼欲窺人
間闌黃鳥初調舌綠窻紅袖開嬋娟誰家高樓入雲端
十二闌干憑欲徧樓前蕩子馳金鞍少年何必生遠圖

金張高貴無時無郎君解作凌雲賦妾效文君當酒壚
只今功名論月俸彎弓射策俱無用十年回首別京華
莫遣春閨生遠夢

讀隋書

煬帝平陳

廣通渠邊渭水流長安猛將懸兜牟陳郎酣睡未知曉
采石夜渡江聲秋韓擒不待賀若報呼得蠻奴作鄉導
銅鈺一聲歌管闌望仙閣下旌旗繞兵家女兒髮照人
金井梧桐二墜身血痕已汙青溪草遺恨空憐高使君

當時只道明良會三十年間轉頭事江都未放錦帆回
晉陽城內驚塵起

德政碑

德政碑路傍立石高巍巍傳是郡中賢太守三年秩滿
人頌之刻石道傍紀德政傍人見者或歔歔借問歔歔
者誰子云是西家鐫石兒去年官差鐫此石官司督工
限十日上戶斂錢支半工每年准備遭驅責城中書生
無學俸但得錢多作好頌豈知太守賢不賢但喜豪民

來饋送德政碑磨不去勸君改作橋梁柱乞與行人濟
不通免使後來觀者疑其故

無祿員

無祿員倉場庫務稅課官尊卑品級有常調三年月日
無俸錢既無祿米克口食家有妻兒徒四壁冬來未免
受飢寒聊取於民資小力寧將貪汙受贓私不忍守廉
家菜色貪心一萌何所止轉作機關生巧抵臣聞古者
設官職俸祿養身衣食備父母妻兒感厚恩清白傳家

勸子孫良吏每書廉吏傳邑民常奉長官尊國家厚德
際天地祿養官曹有常例更祈恤養無祿人免教饕餮
取於民

外宅婦

外宅婦十人見者九人慕綠鬢輕盈珠翠妝金釧紅裳
肌體素貧人偷眼不敢看問是誰家好宅眷聘來不識
拜姑嫜逐日綺筵歌宛轉人云本是小家兒前年嫁作
僧人妻僧人田多差役少十年積蓄多財資寺傍買地

作外宅別有旁門通巷陌朱樓四面管絃聲黃金賸買
嬌姝色鄰人借問小家主緣何嫁女為僧婦小家主云
聽我語老子平生有三女一女嫁與張家郎自從嫁去
減容光產業既微差役重官差日夕守空牀一女嫁與
縣小吏小吏得錢供日費上司前日有公差事力單微
無所恃小女嫁僧今兩秋金珠翠玉堆滿頭又有肥羶
克口腹我家破屋改作樓外宅婦莫嗔妒廉官兒女冬
衣布

官買田

官買田買田憶從延祐年官出緡錢輸里正要買膏腴
最上阡不問凶荒歲水旱歲納畝糧須石半農家無收
里正償賣子賣妻俱足算每歲徵糧差好官米價官收
仍助錢不是軍儲與官俸長寧寺內供齋筵寺僧食飽
毳帽紅不知農耕水旱與荒凶里正陪糧家破蕩剥膚
槌髓愁難窮普天之下皆王土賦稅輸官作編戶春秋
祭祀宗廟中長寧僧飯真何補官買田臺不諫省不言

不知堯湯水旱日曾課民糧幾千石

水深圍

水深圍田疇蕩蕩如湖陂圍低水深岸不立雖有木石
將何施里正申官官不允徵糧每歲歸倉廩稻糧無種
長菰蒲民產陪償官始准今春水滂忽無津四分災作
五分申問渠何故作此弊府州伏熟成三分吏胥入鄉
日旁午二分徵作陪官賦儻逢人訴熟為荒破盡家貲
猶不補因此年年怕官惱水滄水深俱不報東南民力

日漸窮不願為農願為盜人生盜賊豈願為天生衣食
官迫之水渰償米或時稔陪糧無奈水深圍

題張參政所藏太真上馬圖

開元朝野時清明姚宋廟謀多輔成紫宸前殿焚錦繡
花萼樓高延弟兄那知暇豫生淫樂慢舞霓裳羽衣薄
龍漿流禍入宮牆野鹿銜花汙簾箔春晴並轡曲江行
回顧阿環嬌態生繡衣珠趺如花旋秦虢椒房恩寵新
宮中昇出錦綉兒兵滿漁陽人未知一朝犯順入宮闕

咸陽煙塵迷日月翠華雜沓驚塵蒙
劍閣西迴渭水中
王臣下微同列國從此藩鎮爭豪雄
人生富貴真迷途
傾城褒姒無時無漫道玄宗不知政
試問當年無逸圖

題石崇錦障圖

洛陽金谷園中花雕玉為闌
繡作遮琉璃器多出珍饌
瑪瑙街長行鈿車椒房塗香貯歌舞
曳珠珥翠籠輕紗
珊瑚扶疎三四尺王羊貴戚爭豪奢
那知花淫風雨妬
古來山澤生龍蛇嬋娟墜樓寶玳碎
月明夜半啼驚鴉

游玉泉山呈袁伯長學士

以下續集

宛平佳山水歷歷蟠心胷忽登羣峯頂下瞰青蓮宮長
松騰翠蛟古磴妥垂虹雲開扶輿氣翕忽如仙翁我來
方醉後游覽徹九重長嘯出林杪振袂揚天風願同安
期生攜手凌昊穹

廿四日出京口河冰阻舟二日方抵呂城

舟行出京口夜宿丹陽縣嚴風吹港曲河冰白如練寒
侵肌粟生光耀目花眩連艘若膠綴兩宿冒霜霰素歷

行路難辛勤敢辭怨敲冰望呂城日倒氣微轉明日春
陽迴吾道復堪羨小人散陰霾君子履剛健

雪中觀漁

同雲蔽天江茫茫門前雪高一尺強漁人並舟鼓雙棹
大罾入水瑤繩長老翁哺兒姑曳網甕頭酒熟炊粳香
醉中不脫一蓑玉仰天叫笑鳴雙榔自從水利筭湖濶
漁鹽大載需官場耕桑雖佳租稅急縣前胥吏如貪狼
江天四時各有象人世反覆多炎涼勸君更放雪中餌

飢鯨挂鬣江中央

八月九日武林達宣差招宴時武良弼太守廉

山御史同席

八月九日天氣涼老仙會客登高堂會稽太守廊廟器
黼黻政事多文章烏臺御史守風節州牧縣令皆循良
盍簪偶爾動清賞開筵四座羅壺觴太玄真人眉宇秀
辭辨析理推毫芒舉杯問答興未已歌舞落日增輝光
嬌鬟戲作猛將躍大娘解演詞人狂冰絃戛擊箏鴈度

玉板拍裂鳴鼉轟嬋娟鬢驪珠婀娜細腰裙動金琅璫
霜糖炊粳薦膏膾海錯釘盤傳蔗漿蠟炬照席飛銀燼
桂花繞屋吹天香人生得意須盡醉酒漬啼痕秋夢長
東山謝傅等陳迹洛陽金谷何茫茫月明上馬清露下
無使樂極生悲傷

題李唐村社醉歸圖

村南村北賽田祖夾岸綠楊聞社鼓醉翁晚跨犂牛歸
老婦倚門兒引路信知擊壤自堯民季世龔黃不如古

披圖昨日過水南縣吏科徭日旁午

羣峯秀色圖僕廿八年前所作也恭甫出以見
示且徵題詩因成長短句書于卷後并奉叔方
府博一笑

青天不補罅山色秀可攬紅樹醉秋風碧峯開菡萏
崎嶇深谷有行人攀磴捫蘿不知險倚岳樓閣高復低時
見隔溪雲冉冉憶昔少壯日征鞍度居庸畫筆記行縈
點滴蒼翠誇全工三十年來重看畫星星兩鬢生秋蓬

今看古畫我何數因畫思人今亦古但願昇平日魚釣
山中泉食耕山下土歸乎歸乎盤之阻

山水屏圖詩

丈夫無奇才雖顯不足名高山乏秀麗兀立培塿形況
乃畫圖間兩奪造化精中堂素壁本虛靜誰令揮洒研
丹青女媧五色不補天神功鞭石來蒼冥驅山奔海入
紈素扶輿之氣青熒熒赤城霞彩千峯明洞庭湘浦雲
英英風帆畫捲瀟湘雨黃葦堆灘插漁罟獨木莊前埜

水流夕陽川上歆橋渡大峯倚天接天門又如特立太
華尊羣山趨俯不敢動山前星辰手可捫我欲託身上
山巔丹梯百尺何由緣畫輿欲來別有趣顛毫醉墨飄
如仙仙成却服九還丹兩腋清風飛上天

題陳直卿一碧萬頃樓

浩蕩具區尾蒼茫不斷流水光浮四際雲氣接三州日
月雙丸吐江山萬古愁吟軒未能敞鄉思獨登樓

翠雨亭詩

翠樹元無雨空濛暗溼衣林深迷遠嶂風捲雜晴暉嵐
潤侵書几陰涼拂釣磯蒼雲何處密清曉傍簷飛

題周仲傑古泉

聞說東園好漸江暗發源鑿池疏地脈疊石種雲根滌
研魚鱗動烹茶蟹眼溫欲知隱者樂何日扣柴門

莫登德清譙樓

萬馬擁貔貅暮登城上樓哀笳風送客長劒月臨樓閫
外分邊計燈前借箸籌二城如可復江面更何憂

簡趙宗吉僉憲

石磴紅泉翠影搖，仙人歸隱倩誰招。
千年管樂尊周社，七葉金張珥漢貂。
麟閣故人銀印大，豸冠分使玉驄驕。
獨憐補報應無所，論畫哦詩點素綃。

題常州玄妙觀陳

闕

飛霞樓

綺結飛霞散滿空，闌干高倚夕陽中。
沖融晝景橫窗碧，絢爛晴光入座紅。
宛有霓旌來漢表，直疑蜃氣出城東。
樓居自是神仙宅，不待乘橋躡彩虹。

十一月二十七日冬至 泰定二年

捲地顛風響怒雷一宵天上報陽回日光繡戶初添線
雪意屏山欲放梅雙闕倚天瞻象魏五雲書彩望靈臺
江南水暖不成凍溪叟穿魚換酒來

又和顧仁甫觀潮

候潮翻雪響瀧瀧砥柱中流勢激撞豈有明璫遺洛浦
欲投圓壁誓長江雲濤雜沓蜃樓起海嶠微茫鴈字雙
莫訝伍胥遺恨在越山南去未成降

題子明雪泉

萬壑輕澌渡薄寒，碧雲深處互漫漫。
六花濺沫成天巧，一脈潛流激莫湍。
石鼎茶溫風味冽，玉壺冰皎露華乾。
荆溪白石天寒夜，誤作山陰道上看。

秋江

堤邊古木風江上，飛鴻影秋江待渡人。
立到前山暝，過西山。

黃塵飛白日，黑雨洗青山。
水靜漁舟渡，林深倦鳥還。

曉晴

天寒欲晴猶雨曉色將明未明萬里碧雲平野一林落
葉無聲

訪劉道士

春入山坳長蕨芽青童邀我飯胡麻野桃開處仙家近
閒向溪頭數落花

題趙仲穆揩癢馬圖

渥洼天馬骨如龍散步春郊苜蓿中揩徧玉鬣塵未落

日斜宮樹影搖風

送王信仲過淮陽

春江拍拍去帆孤
樹底人家燕引雛
曾向秦淮登莫閣
碧雲低處認三吳

沙湖晚歸

山埜低迴落鴈斜
炊煙茅屋起平沙
櫓聲歸去浪痕淺
搖動一灘紅蓼花

題李闕古御史柏山

緱山無侶共吹笙
金碧樓臺拂曉行
帝子不來春又暮
堊棠開盡綠陰生

雪竹雙雉圖

雪壓林梢竹倒垂
石邊雙雉欲驚飛
天寒堊靜尋餘粟
猶勝樊籠刺錦衣

牡丹鶉鴒圖

深院朱闌覆錦裯
百花開盡牡丹春
粉毛雙鴒多馴狎
對浴金盆不避人

題淮陰梅鼎畫蜀山圖

西望巴江隔錦官青泥黃檟細盤盤人間到處羊腸險
何必長歌蜀道難

題甘泉宮圖

漢郊五時荅鴻禧草木甘泉夜色移昨日長安道傍過
故宮無奈黍離離

題梨花折枝

玉壓帽簷花底春惜無花下洗妝人阿嬌一掬東風淚

聊仗丹青為寫真

三月二十日送姜侍郎南游

京城花雨曉
霑霑陌上紅
娘已浴蠶
無奈金鞍少年客
攜將春色過江南

西興

八月海門天氣涼
潮頭如雪上錢塘
斜陽更比歸人急
又引輕帆入富陽

宜興山行值雨

溪行六月不知暑竹鷄飛度鳴鉤輶黑雲行天捲雨去
老樹忽作千山秋

至元二年二月八日陳子善范昭甫同游虎丘

四首

東望吳山紫翠纏
凭闌忽坐小吳軒
石橋楊柳半塘寺
脩竹梨花金氏園

蔓木叢篁古梵寒
鑿開崖竇見波瀾
莫邪久化蒼龍去
猶作東吳劍氣看

碧鷄銀甃鎖吳娃臺閣千年屬梵家不見金精化為虎
日斜荒塚亂啼鴉

野色空濛錦鳩啼東風吹雨溼羅衣一堤芳草花開徧
落日馬嘶人醉歸

拜郊臺晚渡

風颺松花落澗濱荻芽洲渚水鱗鱗莫教行到崇臺上
忘却山前喚渡人

無題

索索西風白露零
隔林砧杵助秋聲
欲尋隱者門前路
落葉漫山礙屐行

送郝道

闕

長江日夜向東流
送子西津曉渡頭
却憶望京樓下路
一宵風雨釀新秋

存復齋集其孫

勉齋所刻家乘載有正續二集藏宗

姓家裔孫

闕

購得勉齋手錄本多未刻者共錄為

若干卷澤民為崑山舊族弘
治丙辰狀元希周其後人也

陳泰所安遺集

泰字志同長沙茶陵人延祐初與歐陽玄同舉於鄉
以天馬賦得薦考官評曰氣骨蒼古音節悠然天門
洞開天馬可以自見矣官龍泉簿以吟咏自怡別號
所安有所安遺集一卷其曾孫明鄉貢進士朴所編
後華亭教諭章刻之以行世成化中內江令銓重刻
而蠹損過半所存者歌行為多亦清婉有致也

題趙子昂畫馬歌

九原駿骨埋地中一夕盡化霜皮松畫史刻松作神墨
掃出騏驎帶松骨煙沙漠漠披風髮精氣炯炯房星同
天山無人草木白西極日沒黃河東時平使汝困轅輓
不得變化騰為龍黃金擲送燕臺下當日君王惜高價
自從汗血去人間老死英雄空見畫千年祇說曹將軍
弟子韓幹終無聞今之畫者趙翰林嗚呼三晉賢子孫

秋江釣月圖歌

并序

秋谷李平章所善客鄱陽葉天文隱居不仕其行

卷曰秋江釣月圖同年魯伯昭克埒濟蘇贈之以
詩屬余次韻

青蘿斷岸苔如髮天清水落魚龍窟中有江南漫浪翁
獨棹秋江釣明月秋江月白芙蓉深扣舷夜和江神吟
不須槎上泛牛斗瓊樓玉宇空人心千年白石今可煮
一掬泉香擣雲母富貴知君已厭看翠黛紅妝夢中舞
人間月色儘風波聞道君家月最多我亦扁舟下彭蠡
到門相訪定如何

將離京師別李朝端陳伯奎二同年

陳生射策未三十筆箭如鋒不破的自古英雄感慨多
直比臬盧懸一擲文章有命不論巧得喪窮通兩何惜
吾州二妙真豪放白壁明珠炯相望蜚英已邁時輩先
通籍還兼伯兄行霜蹄歷塊千里空風采承恩九天上
我辭君歸春正晚天風吹颿落花滿青冥浩蕩南極深
白日波濤洞庭遠感君惜別重徘徊令我長歌激肝膽
雲山之東佳氣濃磔裂華蓋晶熒通紛紛鸞鵠好羽翼

莫笑垂翅南飛鴻

朔方歌

朔方大野何寥哉悲風慘淡從天來初如巨壑吼陰浪
忽似暗空行怒雷嚴風吹霜石為裂淅瀝飛沙砭人骨
萬里書生二十餘足馬來為朔方客朔方之人膽如斗
不鬪才華鬪身手無復悲歌慷慨聲猶能使氣屠雞狗
憑高仰視太行山山氣空濛紫翠間東西日月自吞吐
今古煙雲相往還太行勢盡西山起鳳舞龍蟠聳神偉

昨夜燕山雪作團，散落飛花漢宮裏。
朔方猛士氣凌雲，白首防邊未策勲。
馬上相逢淚如瀉，嗟我何為朔方野。
邯鄲道上書所見

馬龍龍車碌碌，古道茫茫沙撲撲。
帽翻翻袖速速，丁丁零零西番經。
軋軋刺刺單于曲，西番經無人聽。
單于馬上琵琶聲，烏紗辮髮雙娉婷。
不知是河西，不知是女真。
有時喚驢兒，玉色微生嗔。
東風日暮邯鄲塵去去，共踏長安春。
往來只在都門下，可笑相逢不識君。

梅花五友歌

古人一水畫十日今我此畫凡幾筆生綃數幅畫水石
獨立寒梅妙難識當其痛飲三百觴胃蟠勁氣不肯降
龍牙弄泉噴白雪鶴翅捩漢飛玄霜瀟湘之濱渺平楚
望美人兮在南浦夢回殘月照寒衾忽見瑤臺淡妝舞
此時見畫心悵然吟蛩落木秋無邊化工知我惜花意
墨香到骨花能言長松飛來蹙成卷竹色蘭芳靜相見
吾廬雖小物色多不待更買鵝溪絹

松障圖歌

何人獨立身堂堂十八公子鬚髯蒼凝冰不遣勢摧折
清籟時與髯低昂蘭為兄兮雪為友燕坐松間自呼酒
眼花耳熱鱗鬣生千尺龍蛇入揮手手中松月自離筆
已見雲煙生薊鬱儻非白晝堂宇空真恐幽陰鬼神出
平生始識顏平原堅苦絕勝甜中邊世間畫史千金價
惜哉此松不多畫

紙帳歌和全初上人韻并簡劉光朝時朝納寵

故戲之耳

道人於事百不聞
歲晚鶴骨誰相溫
禪牀蠶光薄如霧
宜月宜霜復宜露
夢回蘄竹生清寒
五月幻得梅花看
初疑脫膜輕無力
一片凝秋剡中色
道人巧手天機深
兩杵獨伴堦蛩吟
卷舒似聽桔葉音
珍重莫遣煙煤侵
百年富貴誰能免
錦幄彤廬語恩怨
可憐老楮歲寒心
用舍在吾難自薦
君不見燕山穹廬羶
百幅狎坐圍春
醉紅玉
道人不學製戎衣
空煮南山臥茅屋
安知幕天

席地一希夷長共青山白雲宿

奉和趙秋巘閨七夕樂章

翠鳳穆穆刷新羽一霎香車洗塵宇秋瓜老盡畫屏空
小扇無人拜星渚武丁去作宮門仙昨暮重開青瑣煙
長河十日一到海三疊回波金碧鮮剛風洶湧太古裂
天上至尊寧晏眠六龍西行鼓聲急芙蓉捲露旌旗濕
今年烏鵲最辛勤禿尾爬沙向龍泣祗憂帝怒星為石
八極長懸曙光赤鵲飛入海海未回化石相望見何日

題蒼龍戲海圖

天孫織雲春錦紅玉梭誤落乘剛風一夕變化雲冥濛
海水起立為珠宮坐今年年機杼空誰與黼黻上帝躬
求梭不得愁鬼工安知入君懷袖中

送錢塘琴士汪水雲

三十年來喪耆舊天下彈琴水雲叟猶疑腴氣世間無
自說蹉跎晚何有漢宮麗華陰貴人臣忝近歲居宮門
東觀初令習書史寶詔再直行絲綸熙明殿中蚤朝罷

仗內玉輦扶皇君
昭容傳詔促侍燕
屏棄舊樂嫌繽紛
調絃始學鳳凰語
度曲便覺聲有神
銀山千片潮捲雪
天馬萬匹風驅雲
龍顏正色動一笑
錦幄勸醉葡萄春
今時富貴眼看盡
異域飄零心尚存
流傳弟子竟誰在
散落江湖嗟獨聞
人生底用誇長健
白首青衫淚如綫
尊前指法鬪呼韓
玉腕香餘夢中見

丁都護

并序

城西夜歸成婦孀
哭甚哀為述其情

丁都護妾夫已死長辛苦結髮相從畏別離身不行軍
名在府去年為君製袍衣期君報國封侯歸紅顏白面
葬鄉土反媿老大征遼西遼西縱不返馬草垂千年君
今葬妾手空受行伍憐相思墳頭種雙樹慟哭青山望
歸處妾命如花死即休兒女呻吟恐無據當窻玉龍鏡
照影弄春妍團圓不忍見結束隨君還願持鏡入泉下
土照見妾心千萬古

醉書王玄德德聚亭

前日相逢一尊酒即欲寫向君家亭別來十日不會面
曾次碑兀愁難醒憶我曾為帝城客客裏論交話疇昔
玉樓絃管天下春醉舞揚花日西夕此時聚首情皆真
雲萍轉盼難重陳高官坐揖小官拜九州四海知何人
長安少年更翺薄一餉飛蚊聚歡樂殘盃冷炙心已悲
此士平生慣藜藿君不聞漢時豪傑稱東方列卿太史
尚書郎就中亦有貧賤者威動星宿回清光為君痛飲
亭邊月懷古傷今重離別丈夫有志江海深匣中雄劍

知君心

貧女行

貧家養女纔十五手足如綿獨當戶阿爺前月去行商
小弟伶仃未離母筠簍日暮挑菜葵倩人遠糴防朝炊
簪花枝重黃垂額汲澗泉深綠照眉生時不得嫁時力
却喜夫家慣耕織堂前供養老姑存姑為艱難少顏色
夜來小弟報平安見說新年百計寬此身豈願獨溫飽
父母養我良辛酸

三月望日攸輿楚昭王廟觀樂舞以落花游絲

白日靜分韻得靜字

祠稱楚昭王聖帝

吁嗟人暴今方定同姓秦徐異衰盛君看芊屈復何存
猶有遺民奉昭聖晶熒丹碧飛甍間彷彿章華渚宮靜
四時歌舞尚巫覡三月鶯花滿城徑駢弓寶校爭曉出
錦帶宮袍與春暎卷髮盤龍劒士高細胥勒馬宮娥瑩
熊君珥貂當警蹕鷺序稱觴儼朝覲麾幢影散綠雲飛
絃索聲遲玉簫竝我聞神靈本正直恐有憑依駭觀聽

春秋未許僭王章尸祝寧應竊天柄

李陵縣軍遇敵圖為秦孝先題

壯哉射虎將軍孫惜哉扼虎邊軍魂旌旗半捲日光薄
風吹野水秋無言生降孰與死戰樂天子未負將軍恩
陣前八駿血為淚仰面不見咸陽門祁連山頭堆首宿
將軍多馬今何贖

漁父詞

蟬聲欲斷蟲聲悲江天月上初弦時漁翁身老醉無力

矯首坐看雲離離癡兒不識老翁意苦道平生貧作祟
賣舟買得溪上田昨暮催租人已至君不見長安康莊
九復九雨笠煙蓑難入手人間萬事誰得知滄江夜變
為春酒

萬里行

恨身不及生北方出門萬里無羸糧飢鷹志豈在狐兔
日暮啄雪猶徬徨早年結束恥游俠絕處季孟并李陽
擣捕又不學劉毅百萬一擲生輝光縱鱗暫脫騎鯨勢

弱羽徒干薦鶚章門下雖通齊相國馬前難拜北平王
歸來把鏡但搔首科斗蟲魚負君久金章一笑雷電奔
我豈終身合箝口錦鳩鳴綠芙蓉秋艣船卷月秦姬樓
蛾眉為我歌世事何必愁東邊日出西邊沒南北生人
俱白頭

贄呈平山王萬戶

將軍壯年不可羈走馬直上長安西腰間白羽淨如雪
數肋笑射雙狻猊省中大舅汾陽子文采風流重當世

兩家勲業冠麒麟晚學王郎更相似去年引見蓬萊宮
雲衣跪捧瞻天容歸來三軍盡呼舞葛巾羽扇生清風
將軍談兵用儒術幕下書生劒三尺槐陰滿地綠如山
醉撫桓笻看空碧

集民謠二首

苗青青東阡西陌苗如雲經年不雨過秋半苗穗不實
空輪囷田家留苗見霜雪免使糶歲勞耕耘縣官催租
吏胥急糶粟輸官莫論直勸農使不汝恤

蕨澄澄新春食蕨留蕨根凌晨斲根暮春杵潏潏大甕
流黃渾常年春寒粉始凍誰信秋暑霜翻盆窮通有數
今已識為死為生尚難測獨立蒼茫面如雪

和陸放翁白苧詞

美人獨宿青樓空素煙不斷楊柳風含情脈脈剪刀裏
一片湘江明月中去年秋機織雙杵裁寄征夫送寒暑
望斷遼陽信不歸長夜停梭聽鸚鵡

失列門故宅

北園之東隅數株桃與李上有黃落實下有羅生綺金
窻繡戶綠珠樓萬草千花蠹晴綺秀眉窈窕揚袖中起
手彈箜篌不見纖指一彈壽主君再彈壽帝子願君日
醉千石醴玉骨童顏鬢垂耳揚花雪盡草連空高樓月
轉啼鴉起

咏雙笑藥

雙笑藥連理發不恨狂風頃刻吹只恐遊人輕易折君
莫折花有情不是同心眼前久還他同死復同生

賦桃實

狂風吹春墮紅雨
碧蒂團香上芳樹
東方小兒偷不得
暗灑齊州三士血
仙山日冷一萬歲
黃土清埃遮海水
海中無地種千年
王母重來漢皇死

秋陰野坐

秋陰何漫漫
原野終日晦
形羸起徬徨
悄愴若有待
山高蒼蔚尊
谷狹漁樵對
驚風西北吹
祥雲偃飛蓋
古來形勝場
蟠屈自千載
其間豪俊人
生死迭相代
幽光浩

無窮感發有時會若人世所乖邂逅不可再天運豈吾
能沈吟寄慷慨

偕猶溪諸公同游青原山謁七祖塔步韻

并序

青原山七祖塔悟真寂禪師乃六祖法嗣也其塔
中舊有錫杖貝葉出塔之東為井泉者三一曰雷
湧二曰飛錫三曰虎跑清冽可愛皆七祖所開者
其初叅曹溪六祖數契合石碑上具述張公無盡
信國公文山皆有詩刻於後今并錄之

夢裏青原四十年六朝來覲塔中仙傳燈有記貝書在
飛錫無聲霜井圓石壁倚雲僧入室飯鐘縈樹鵲通禪
看碑忽悟曹溪旨擬向人間息萬緣

附錄無盡詩云一派青原出少林

衣到此只傳心尋常示衆無人會盡向廬陵米價尋信
國公詩云空亭橫蠅蛛斷碣偃龍蛇活水參禪筍真泉
透佛茶晚鐘何處雨春水滿城花夜飲燈前客江西七祖家

遊定林寺和韻

一燈何處起千載續黃梅世與身俱幻吾攜影獨來山
空鐘自響日淡鶴將回寄語沙頭鷺相逢慎勿猜

馬頭館居

入夏樓偏迴推窗揖遠山
柳煙籠岸碧梅雨著衣斑
喬木年年異幽齋日日閒
風流無復見坐待暮鴉還

僧房

僧房吟坐久孤枕已中宵
燈盡寒侵幌梅香夢過橋
江湖殘歲逼風雪故山遙
明日又行役天涯影寂寥

次尹立大韻二首

有力聊供世無家却累親
獨憐為客意每向故人真
枕

簾風光入林塘晚色新一尊誰與共愁極好生春
鄉關無百里歸夢祇漫漫月色苦無奈秋聲已似寒
緣更事入窮為讀書寬尚有東園酒煩君破恨端

天嶽圖歌

并序

雲間康鍊師來自岳陽稱其友蔡素蟾好道之篤
乃作天嶽圖以寄徵余題卷末岳陽予舊游也爰
集杜陵句以贈之

知君重毫素好手不可遇壯哉崑崙方壺圖對此興與


精靈聚雲來氣接巫峽長影動倒景搖瀟湘湘妃漢女
出歌舞矯如羣帝叅龍翔大江東流去忽在天一方初
月出不高照我征衣裳憶昔北尋小有洞青楓葉赤天
雨霜先生有道出羲皇晚有弟子傳芬芳神仙中人不
易得今我不樂思岳陽蔡侯靜者意有餘戚聯豪貴耽
文儒致身福地何蕭爽幾歲寄我空中書

元詩選初集卷四十六

謹案第七頁後一行薩木丹巴勒舊作三旦八今改

欽定四庫全書





總校官候補中書臣吳紹灤

校對官編修臣范衷

謄錄貢生臣張誠智

欽定四庫全書薈要

集部

元詩選初集卷四十七

詳校官候選知縣臣吳甸華



欽定四庫全書薈要卷二萬四百七

集部

元詩選初集卷四十七 長洲 顧嗣立 編

杜本清江碧嶂集

本字伯原臨江清江人博學善屬文江浙行省丞相呼喇美得其所上救荒策大奇之力薦之上召

至京師適武宗晏駕去隱武夷山中文宗在江南聞其名及即位以幣徵之不赴書周書無逸篇以進至正三年春丞相托克托以隱士薦授翰林待制



兼國史編修官使者趣之行至杭州以疾篤辭歸
伯原為人湛靜無疾言遽色篤于行義所著有四
經表義六書通編十原等書學者稱為清碧先生
年七十有五卒于武夷門人程嗣祖錄其遺詩為
清江碧嶂集伯原自謂得浦城楊仲弘詩法嘗集
宋末遺民二十九人詩百篇題曰谷音平日所作
詩未嘗存豪或問之笑曰亦嘗念之然觀藝文志
所載古人文集何翅千百今其存者百無一二又

有幸不幸焉故不必存也今集中所載應酬俚率殊不稱其名又安知伯原之不欲存豪者非自為藏拙地邪

題薛玄卿瓊林臺

上清山靈都凡山無與儔况茲瓊林臺雲氣接神州嶽
示扶地軸鬼神動天球珠樹粲瑤城玉衡縣清秋層冰
積高寒梯構靡其由外史洞玄化於焉采真遊珊珊紫
霞佩皎皎明月鉤手攜千歲藤足弄萬里流仰觀玄圃

運俯視八極周緬彼大瀛海變滅多浮漚悠然發舒嘯
永矣此夷猶

武當山張真人奉詔禱雨有應

祈禳致風雨傳說自古先京師大旱連二年地蒸熱氣
如雲煙林林嘉木盡槁死毋論黍稷生秋田武當真人
張洞淵為道有心如鐵堅粗衣惡食夜不眠兩眼奕奕
光射天天子有勅丞相宣詔君禱雨紓憂煎君坐默不
語奏達虛皇前將吏驅蛟龍雷電相後先童童雨脚晝

夜懸平地涌水如通川
穉禾出土芄芄然
小草大木爭芳妍
都人士女喜欲顛
謂君直是真神仙
我今為作喜雨篇
勒諸厓石千年傳

天冠山同諸學士為祝丹陽賦

錄五

鍊丹井

鑿石通泉坼鑄鼎
鍊丹砂丹成騎鶴去
滿地生雲霞

逍遙巖

鵬搏九萬里
籬鷗飛只尺
所以達觀人亦各適其適

玉簾泉

燦爛金為屋玲瓏玉作簾飛泉來百道定有老龍潛

石人峰

臨風衣自整對月影偏長獨立經寒暑真成石作腸

小隱巖

山深人寂寂澗曲水沄沄顧爾非忘世遺身在白雲

題吉學士墨梅

冰雪肌膚鐵石腸翩翩和月按霓裳臨窻喜見橫斜影

却有王孫翰墨香

題江邨圖

樹林蓊蔚水縈環
知是江南何處山
幾載幽并倦行役
按圖欲借屋三間

題小景

秋雲滿地夕陽微
黃葉蕭蕭雁正飛
最是江南好天氣
邨醪初熟蟹螯肥

題道士許冰壺遊維揚詩卷

淮南秋月漾清波照徹冰壺秋氣多二十四橋春似海
羨君騎鶴數經過

和何得之歲莫見寄

籬下菊斑斑猶能傲歲寒春風誰主宰客夢自清安此
老憐才乏何人惜夜闌管寧如可爰浮海竟誰歎

寄題竹軒

綠竹脩脩處華軒楚楚深莫留雛鳳宿曉聽蟄龍吟月
進窻櫺影雲移几席陰居然淇澳趣莫使俗塵侵

和潘明之

欲試淮南術難期海上翁
自為吳地客不記楚人風
蒲黍隨時白葵榴過眼紅
獨醒還獨醉至竟與誰同

莫春遣懷

東風吹盡滿林花底用無涯
始有涯飲量素慳難止酒
客懷雖惡少思家已諳世
味茶如薺未信仙人棗似瓜
為愛綠陰春晝永出門轉覺換年華

中秋寄高混樸

去年見月轉添愁滿地干戈未甯休動有萬人塗草莽
豈論斗米換衾裯今宵相對還青眼後夜相逢又白頭
尤恨故人難會合若為把酒獨登樓

秋興

兩峰高聳竝秋霄雙澗分流送晚潮月冷誰家頻搗練
風清何處細吹簫七閩荔子丹砂顆五嶺梅花玉雪標
黃鵠不來空悵望自歌雅曲和漁樵

送李伯循

已聞盤谷最深幽，便欲從君遂此遊。
春氣和柔朝採藥，秋風清徹夜行舟。
巖花冉冉難留客，汀草纖纖獨倚樓。
楊柳新條不堪折，只須買酒換離愁。

送趙伯常歸揚州

往年初記抵京師，正類機雲入洛時。
未說黿頭分赤管，先傳馬首控青絲。
瓊樓舊醉家家酒，金剎新題處處詩。
此日揚州歸去路，錦衣光采照城池。

寄楊仲弘

老來自愛黃叔度少日真期魯仲連高卧獨無田二頃
曳裾誰有客三千蒼波渺渺浮鷗鷺白日翩翩換歲年
却憶江東楊少尹劇談終夜不成眠

酬虞伯生

滿窓風雨夜沈沈獨對青燈萬古心徒有故人憐白髮
自無奇骨換黃金茅簷暖日須看獻竹簡遺經正用尋
豈愧執鞭非所好甘隨麋鹿放山林

題周南翁悠然閣

大江之東彭蠡南周家高閣與雲參秋風猿狖嘯青嶂
莫雨蛟龍起碧潭遶屋千叢生杞菊過簷百尺長梗楠
何時共此登臨樂指點山川與縱談

廉州阻風

自因三宿致綢繆豈為狂風滯客舟鄉國十年思舊雨
河山千里記前遊黃雲釀雪禾將刈綠霧籠霞橘漸收
離別不堪成悵望雁孤飛起白蘋洲

漁隱圖詩為程子純賦

山下白雲縹緲水邊紅樹依稀信有桃源深處漁人今
亦忘歸

題柯敬仲梅

點點苔枝綴玉疎疎檀藥凝香還記當年月色簫聲暗
度宮牆

方瀾叔淵遺藁

瀾字叔淵莆陽人隱居吳中自少時不娶閉門讀書訓徒以自給後至元己卯卒年七十有七平生喜吟咏然不苟作友人樊士寬子厚錄其五言詩若干首其詩句如咏樂天云以詩為佛事隨地學山居臨平道中云暖客時借酒寒力曉欺綿梅花云香能占夜月春不弃茅檐夜雨云萬緒集雙鬢百年堪幾愁皆從苦吟得之朱澤民曰壯年厭世

紛歲莫少知已即其人亦可知也

淵明

鄭聲與雅樂今我并無絃尚不歸蓮社誰能愛秫田青
山栗里宅白髮義熙年嵇阮能逃世終非出自然

荆軻

計出不可測襟期相激昂悲風寒易水俠氣小咸陽六
國羣謀失三軍一亡當英雄幸不幸愁入代雲長

金山寺

江心勝絕處人飲不知源楚浪夜喧寺浙山晴到門清
寒入僧夢太古結雲根欲問前朝事松風若有言

早秋夜坐

萬星都讓月勢不並光芒塵陌聞鐘靜風庭灑頂涼明
河西落野飛露下霑裳但息人間累仙鄉不離房

秋日錢塘紀事二首

吳越南去遠萬峰青照杭江流拍岸闊海氣入城涼落
日菰蒲暗行人永黍香天開地闢後知歷幾興亡

阜物家家市瀕湖處處園童時今父老夢裏古乾坤佛
石千像在風潮萬馬奔誰予指新路梧落故宮垣

秋夕有感

搖落秋漸晚露香籬下花疎鐘出煙寺新月入人家蛩
語日夜急鴈飛天漢斜寔余不能去塵世事如麻

初冬作

沈寥蕭瑟後霽色却怡人霜已千林曙天猶十月春黃
花蝶過晚白葦鴈銜新野性自夷曠非關絕世塵

海陵道中

漠漠平楚遠扣舷歌昔遊風顛碧海岸春老綠蘋洲自
古利名急更東天地浮客心不自得落日傍漁舟

石門夜泊

積雨莫天豁炊煙隔林起人喧落帆處野語新月裏桑
逕綠如沃麥風寒不已一夕舟相銜擾擾利名子

春日遣懷

陸續畫船去曉風料理人沉香燕觜草路暖馬蹄塵海

色暈曠日花光撩亂春浮生孰無事惜取自由身

幻住菴聽松軒

不與俗同調風生高樹林老僧無法說滿院但潮音人
靜野禽下雨涼山葉深悠然悅天籟宛自是閒人

過吳江

離離遠邨落晴不見炊煙秋水漲無岸野舟撐入田天
留新稼穡人戀舊山川不待鴻飛定西風已肅然

石門曉行

風高木葉脫從此曉寒新積雨見初日遠山如故人煙
邨一葦渡野寺數家鄰獨念行藏異沙鷗未我馴

玄妙觀訪劉澹然

仙扉曉更寂香靄石狻猊日出松杉外風來殿角西簷
簷沐霧溼薜荔壓牆低林下非無趣浮生萬不齊

許謙白雲集

謙字益之金華人受業于仁山金履祥盡得所傳之奧浙東憲府聞其名而辟之弗就廉訪使劉廷直副使趙宏偉先後舉茂才异等復以遺逸薦皆固辭延祐初居東陽八華山學者不憚百舍重趂而至著錄者千餘人隨其材分皆有所得獨不以科舉之文授人曰此義利所由分也不出里閭者四十年四方之士以不及門為恥至元三年卒年

六十有八世稱白雲先生賜謚文懿所著有讀四書叢說讀書傳叢說詩名物鈔觀史治忽幾微若干卷行世先是北山何基得朱子之傳于黃勉齋而魯齋王栢又師友于北山仁山金氏則學于魯齋而及登何氏之門者也學者推原統緒以三先生為朱子之世適而文懿實任其傳江浙行省為請于朝建四賢書院以奉祠事其所傳白雲集四卷亦多扶翼經義張維世教之言徒以詞章論之

淺矣

遣興四首

秋日常苦短秋夜不可闌
葉鳴迅風晚蟲怨零露寒
月白天炯炯振衣起盤桓
山川出浮滓翳彼明不完
幽興中道絕百感來無端
何當誅豐隆致身無羽翰
清光亦何私不照方寸丹

猗猗澧有蘭馥馥沅有芷
獵獵石上蒲泛泛水中芰
鮮三逕菊旒旒百晦蕙采
掇集衆芳粲爛成雜佩佩
服

何所從將以待君子

春風榮衆芳秋露悴百草義和策日月疾急兩飛鳥枯
桑號天風俛仰波浩渺氣流物隨化金石不自保人生
寄蜉蝣時邁胡不老天地有終窮微眇何足道

乾坤無停運清氣日夜生人居覆載間所息能不萌握
機養天和特守如捧盈得喪固有命寵辱何足驚一身
磐石重萬鍾浮雲輕丈夫有志願誰謂吾無成

華蓋山

羣山如斗形華蓋氣獨壯奮身地勢高目極天宇曠周
回萬象澄一一來獻狀中江漾孤嶼瀕海橫疊嶂樓臺
市中居棋列相背向烈風攪滄林落日鳴白浪蜃氣薄
浮雲溟濛杳東望長濠浸寒水短楫起漁唱同遊豈特
達竟爾忘得喪山下出蒙泉夷坐待清漲一掬襟懷空
自謂羲皇上

中川龍翔興慶寺

孤嶼浮中川晝夜汨潮汐何年地維裂中斷洲渚失兩

峰峙東西蔽影互朝夕浮屠據稜層梵宇絢金碧飛龍
迫風雷曾此一憩息昔時桎梏居今作大士室了師擇
靈地為假蛟鼉窟聚沙合舊港連互如片石山扉夜無
闕神物便入出亂流攜故老一一訪陳迹軒亭倚葭葦
濤浪傍几席豫章號淒風篠蕩翳寒日憑高慨今古天
海相蕩激景在人易非悠悠意何極

莫過東津館

薄莫下東津灘急舟劇箭漁鐙互明滅隴月時隱見清

颶從東來涼氣襲我面目送兩山青天長淨如練

遊鍾山至八功德水

悠悠鍾山雲朝夕礙我目褰衣試一往行與雲相逐驅
馬出東門十里至山麓幽人昔已亡誰能繼芳躅猿鶴
乘古林颶颶嘯深木彼哉西方人胡為擅斯谷豈云事
幽棲政爾眩華屋泓泉抱何德濁熱供一沃巖回屐欲
倦小憩倚修竹涼颶自披襟佳興亦云足

舟中雜興三首

冉冉江上蘆離離路傍草霜露侵衣裳何用涉遠道鴻
鴈方有序孤飛任林表豈不顧其羣長風翩難矯

亭亭嶺上雲玄鶴相與飛俛啄戀故巢不得從雲歸秋
風颭黃葉飄飄各何之羸糧事遠遊在昔聞斷機棲鳥
辭茂林徘徊更依違悠悠兩江水共此明月輝

嵐煙紫崔嵬波光滉瀟星宿懸虛籛雲雨暗逸槩震
澤商氣深雄風駕濤浪白鷗與蒼鴈來往同簸蕩吳潮
海門闊飛雪噴秋響重重越山迎汨汨溪流上舟行歷

旬日佳景閱萬狀孤征抱結惡所感重悽愴安得同心
人詠歌共清賞

採藥

亭亭北山松宿藹陰深碧蒼根走虬龍巨幹蟠鐵石平
生棟梁具不受霜雪厄兔絲得所附裊裊挂千尺流脂
入九地千歲化琥珀我欲掇其英俯仰費搜擿紅鑪轉
丹砂石髓變金液但恐茫昧間圖驥不可索意長時苦
促雙鬢日夜白刀圭或可試習習在兩腋蓬萊三萬里

詎謂弱水隔他時來山中故老應不識

用潘明之韻遣興

秋山撼虛林秋水揚素波緩衣踞蟠石怡盼庭樹柯芳
景良可惜去日亦已多天寒道路遠奈此兩鬢何興來
勿引酒醉飲空悲歌丈夫志有適慷慨捫太阿

蕭兄臨行索詩即席賦贈

相逢嗟久別歸路復怱怱我媿今原憲君非舊阿蒙山
風驚落木江日數飛鴻舟颺西流水明朝定向東

次韻丘呂道

汲汲時能幾
遽遽夢未醒
自憐頭染白
誰解眼垂青
心事沾泥絮
生涯逐浪萍
何人可私淑
諸老漸彫零

秋夜二首

月落窗仍暗
鐙殘卷未收
家人催杼軸
穉子問更籌
冷露蟲傳夜
淒風樹怯秋
百年一瞬目
萬慮幾搔頭
志大空懷壁
交疎少斷金
半生成白首
十載對青衿
朝市灰心久
山林託興深
紅塵多汨沒
清夜幾沈吟

題延月樓

崦嵫稅駕紅塵息玉鏡飛空天地白
嬋娟先得何處多
齊雲暈翥高百尺清光無私照寰海
舉頭千里明長在
主人欲擅四時秋夜夜掀簾為延待
人生見月幾圓缺
今昔人殊同此月人迷夢覺月晦明
終古相摩寧暫歇
倚闌清嘯酒莫遲銅壺催曉輪易歎

遊龍回寺碧雲堂有何無適草書

蒼鱗作霖回壑裏竟化長岡飛不起
何年老僧飛錫來

強架檐楹萬山底碧雲石梯如登天府視竹樹行其巔
巖巒起伏呈怪狀壯若羣馬奔吾前何仙仙去不復返
滿壁龍蛇驚醉眼可憐一半委塗泥况復陷危混苔蘚
山翁模榻妙入神永和繭紙且逼真勸君勿辭一日力
為我留為百世珍君不見二王舊帖皆殘編至今不惜
千金傳

馮公嶺

層巒疊嶂危相倚亂若飄風湧秋水寒松荒草間蒼黃

照眼崢嶸三十里初如井底觀天門一峰巍然中獨
尊縈回百折至絕頂俯視衆嶺來兒孫人言此山插
霄漢馬不容鞭僕夫歎攀援何異蜀道難氣竭神疲
背流汗熟視徐行路覺平心寬意適步更輕志須預
定自遠到世事豈得終無成我來正值窮冬月倚秋
巖前嚼松雪午店煙生野飯香陽坡日近梅花發寄
語悠悠行路人乾坤設險君勿嗔胸中芥蒂未盡去
須信坦道多荆榛

雨華臺

大江斷後誰絕前
右踞蒼虎龍左蟠
英雄角逐三百載
庭花玉樹歌聲殘
王氣消磨城郭改
荒邨古木棲寒煙
我來兩月不出戶
登臺始覺天宇寬
城中樓觀在井底
環視百里皆峰巒
烈風拔樹雲蔽野
飛電霹靂驅蜿蜒
虛亭坐視河海湧
平地立見波濤翻
天開翳掃羣響息
空翠削出滁和山
陰陽雲雨反覆手
向來喜懼誠無端
興亡世事亦如此
俯仰千歲須臾間

春城晚步分我字

紅樓鼓歇烏輪墮淺水橫舟弄漁火春風生草雉堞
青隨處軟茵供小坐斷煙飛鳥入杳冥關市行人競
么麼溪城斗大無遠趣目礙雲山環瑣瑣驂騑駕
路或迷蜩鶯搶枋計非左歸同三子歌考槃茫茫字
宙誰知我

放櫂行

安溪湖平行櫂多黃頭豎兒倚櫂歌梅花照眼送寒色

酒暈著臉生春和炎涼世態翻覆手江水長靜風吹波
出門一笑天萬里白鷗浩蕩如吾何

三月十五夜登迎華觀

夜深來此倚闌干千里樓臺俯首看月到中天花影正
露零平地草光寒氣清更覺山川近意遠從知宇宙寬
長嘯一聲雲外落幾家兒女夢初殘

西山萬象亭

亂峰盡處接浮雲東望悠悠萬事陳百里江流縈縞帶

滿城居室比魚鱗
野僧倚竹嘯留客
山鳥穿林嘯喚人
落日亭中一杯酒
何年復此對晴春

九月十七日登清涼寺翠微亭故址

梵宇崢嶸枕石頭
倚風極目立荒丘
黃花覆地初經雨
白鴈橫雲帶遠秋
城郭已非山故在
江淮失險水空流
衲僧八十仍多病
杖淚殷勤說故侯

春夜次韻二首

飢鳥驚鵲起南枝
夢入槐柯覺亦悲
花裏樓臺春到早

竹間窗戶月來遲
篝熏翠被鑪存火
鐙落紅星硯汙池
可惜風光半塵土
明朝火急報君知

兩部蛙聲似打衙
披衣清坐夜紛譁
門同靖節日長閑
家近相如酒可賒
低幕風生翻宿燕
小簷雨歇落輕花
玉琴聲斷尋幽夢
回首西窗月未斜

秋莫有懷

十二闌干倚翠微
露華寒重逼羅衣
碧天連水思空遠
衰草滿庭人未歸
秋雨樓臺幾寂寞
春風院落自芳菲

冥鴻應有青霄侶為隔閒雲尚獨飛

即席用蘇世賢韻送郭子昭

攬轡春風入駿蹏兩隄煙柳護晴溪黃鸝自有留人意
相對殘紅不忍啼

次韻潘明之秋思

西風冉冉鬢毛侵鳳老梧衰鎖夕陰倚遍闌干重回首
斷鴻千里暮雲深

夜過黃泥渡

夜深風息水安流
白鴈黃蘆滿眼秋
行李蕭蕭官櫂穩
卧看明月過真州

欽定四庫全書



元詩圖
卷四十七

李存侯菴集

存字明遠更字仲公饒之安仁人好為古文辭通
醫術既而遊於上饒陳立大之門延祐開科一試
不第即決計隱居三以高蹈丘園薦不應秘書李
孝光舉以自代當事者將以翰苑處之不果葺書
室曰竹莊題曰侯菴人稱為番易先生四方兵起
門人何琛迎養於臨川以至正十四年卒年七十
四有侯菴集三十卷仲公與祝蕃遠舒元易吳尊

光三人遊志同行合號江東四先生云坊間選本
有以侯菴集編入明詩稱為洪武中年卒者誤也
危學士素所撰墓誌年月甚明侯菴集刻於明永
樂三年國子祭酒徐旭序之謂其距侯菴之沒五
十二年則侯菴已卒於明太祖未定金陵之先也
先生始終於元雖未顯用然清詞卓品實足為元
世之逸民云

雜詩三首

老去無所為結廬在竹莊竹莊荆棘深宿昔狐兔藏豈
無江海願齒髮不足償生則居菴中死則埋菴傍
秋日方杲杲獨行溪水干紛然浣紗女及此清未寒相
語有相厲歲晏霜雪繁誰云陶唐風遠矣不可還

慕古既多沮從俗寧可安吾冠方委塵政爾不必彈羣
醉敢獨醒孤芳若為園秋風況無情最解吹朱顏

贈胡巡檢民

志父光鄉皆當年叛寇姦
臣指近年伯顏而言也

重雲閉溼熱欲作夏至雨胡子溪上來披衣一相語南

風解人意稍亦入窻戶開樽薦瓜韭汲井具雞黍子為
廬陵秀家世蕃且鉅早歲走京師騫然好儀矩詩書雖
素習殺氣在眉宇暫為巡警吏出入備鉦鼓手弓張黑
角腰箭開白羽里噓散雞豚垣牆奔狗鼠因思閩廣間
壤地有深阻允豪據溪洞老幼負戈弩幾微相啖噬動
輒生齟齬古今聲教遠往往累南土整齊非束縛全活
在綏撫荒忽固無常跳踉乃其所雖云聚蜂蟻頗亦頗
軍旅遠道困供輸窮取多毒蠱幸逢天子聖元帥復雄

武前歲醢光卿今年烹志父此雖下愚者生育皆父母
端由一念失血肉浣砧斧天道實寬容皇威安敢侮今
聞豺狼窟悉已反農圃早暮或笙竽邛壚且商賈姦臣
操國柄近亦死南浦詔書一日下海內盡歌舞橫算罷
舟車求賢復科舉閭閻皆跨馬流謫歸故處百祥斯可
至萬惡為之沮顧余頭已白甚覺負章甫眼目更昏眊
筋骸將偃僂子年纔十五聲價滿吳楚朋友實天倫磊
落傾肺腑行當分閭櫝終可立朝著相看方侃侃索別

何踽踽波濤隨地有切莫倦篙櫓雙雙鶴鶴來一一漁
樵去淒迷斜照草髣髴晚煙樹出處莫為謀音書可相
許

昔年

昔年有語雙白頭弃我忽作齊梁遊雲鴻不飛音信斷
寶鏡塵昏秋鬢亂君心一去如飄風妾心死與黃河東
清霜昨夜入庭樹欲寄寒衣不知處

次韻戚總管賦雪

長風剪水不成片城上將軍鐵為面五更吹角墮梅花
天女騎龍淚如霰坐令萬瓦白參差人在蓬萊水晶殿
黃河夜合鼉鼉深太行曉裂豺狼戰尚憐廬阜足佳致
五百寒僧不開院崑崙朔南日本東未信天花一時遍
塞邊勒馬公所閑橋上騎驢吾不倦化工作巧本容易
臘盡春臨已三見明知無酒俱冷落豈有多情更歡宴
長安市上一貧士白晝閉門何所羨

次高元博韻

亂後作

老逢盜賊繁俛爾度昏旭蕭蕭數莖髮連月不暇沐晝
常雨中餐夜或林下宿深惟崑岡上誰辨石與玉茹珍
蓋糠粒飲水即醺醑相逢破肝膽豈但皺眉目大宜適
他所采擷皆可救竭來安且靜殆若立於獨南風滿窻
簷衣袂清不醖梅實得調鼎松明勝然燭顧此若蝸牛
殼中少涎足故人意不滿蓬蓽無乃辱置酒對榴花誓
將徙華屋吾聞學仙者隨處武夷曲矧茲秋風近白酒
家有熟雖無魚羹飯賴與鹽齏粥

下第南歸別俞伯貞

驅車出都門別酒忽在手去國古所悲況復失良友
荒丘中麥鬱鬱道傍柳揮手從此辭煙雲黯回首

叉魚

霜風刮面冰如刀持叉入江矜厥豪投深中叉始一出
眼澀膚凍如紅桃嗟爾得食亦稍稍性命或與蛟龍遭
安得長叉一萬丈直向海中叉六鰲

偽鈔謠

代為耆社作帳
辭謝尹楊思齋

國朝鈔法古所無絕勝錢貫如青蚨試令童子置懷袖
千里萬里忘羈孤豈期俗下有姦弊往往造偽潛隈
隅設科定律非不重奈此趨利甘捐軀縱然桎梏坐
囹圄賸有囊橐并尊壺生平心膽死相遁口舌所挂
多無辜人生既已不堪此惡卒乃藉生危圖苦之捶
楚甘酒肉役用在手猶拌珠或思夙昔報仇怨或出
希覬傾膏腴搜求寧肯賸雞狗汙辱間有連妻孥何
如巧遇賢令尹燭照劒斷神明符先窮支蔓到根本

礪鐵雖硬歸紅爐非唯此境少憂畏亦遣鄰邑多歡
愉自憐弱肉脫虎口從此飲水皆醍醐誓將白首至
死日頂戴豈與劬勞殊願推此舉徧天下咸使良善
安田廬

祝丹陽以古琴見惠且寄以詩次韻答之復
以史畧一本為謝

涼風蕭蕭吹井桐佳懷如寶千不逢二年蹤跡走闌
闌面目土炭心盲聾其茲豈異伏櫪馬雲漢獨美高

飛鴻詩琴遠致心甚厚金玉備具相玲瓏大珠沈淵炯
不動朗月照水清欲空亦知廬阜入幽夢幻此三疊銀
河風紛紛醉裏不知老有此二美誰吾同彈琴固可消
世慮作詩乃或令人窮未如祝仙古巖下往往遇會方
瞳翁聊將史畧報深意并問馬首何時東

山中留夜宿明日以風雨對牀眠為韻賦詩

雅性厭喧隘結廬林野中林中果何有勢利罕相從異
哉四子心春江遡孤篷洒洒竹方雨泠泠松欲風貧家

百無為蔬食隨所供但於文義間稍願相磨礪顧此有
餘樂言旋胡怱怱人生難定期往往如萍蓬宣不易分
別談諧誰與同尚懷秋花前興滿山園東豆寒始能莢
韭潤亦已叢儻或不遐棄清遊應可重

哀祝明遠

我昔遊師門與子始相識襟懷藹春氣顏色澤而晢憐
我學無方為我數開迪子言雖懇懇奈此正茅塞他時
七月暑子與舒元易芒屨杖而蓋訪我到荒僻松陰作

叅坐快飲不餘滴清論秋夜長草舍隨所息蚊蚋及風
露義不作賓客別來子久病傳者亦非的但云類痞瘧
豈意至茲極我嘗習醫藥此候頗不惑中乾而外強翕
翕脣頰赭痰涎屢吞吐寒熱互煎逼我雖弗果問子固
不能即寄書或浮沈遣价胡不克縱無續命方未必大
差忒一朝訃音至造物果難測老師倡絕學正賴相附
翼譬如萬稂莠初覩一二穡有子未為多失子良可惜
深慙病莫助執紼當致力及知己沒土尚擬瞻几席因

循至如此過矣復奚飾昔為同舍好今有生死隔嗟我
凡下資意欲填胷臆支離久成熟豈悟本方直靈苗不
自愛日日縱螟蠶今雖來照徹實信已非億緝熙苟無
怠非久當有得子雖在重泉豈不念疇昔明明為子告
執筆重悽惻

題雲菴

夜宿雲菴中白雲滿牀頭客來雲不語客去雲不留明
日在山下白雲何處求

義役謡

八都安仁最下都易水易旱生理無奉公往役名主
首半是摘弱擔柴夫或因苗麥僅升斗或忝殷實元
空虛千中得一稱上戶土赤聊當辰砂朱五更飯罷
走畫卯水潦載道歸來晡夫丁木物諸瑣碎每以附
近先供需課程茶酒率倍開所取鹽米何錙銖逃糧
逃金不待論職田子粒尤難輸公家督促過星火唯
聽捶撻生蟲蛆幾年辛苦垤容蟻一界了畢鍋游魚

間逢令宰賢恤者蘇息無術空嗟吁省府郡帖一朝
下義遜得許從鄉閭徐君更是好義者率以公正人
爭趨同時共事數君子但有贊協無次且出多出少
由厚薄若小若大皆歡愉支吾縱廣非獨力欣助能
幾咸安居移東走西可免者那上趨下歸誰歟不聞
隳突到雞狗但覺和睦安犁鋤願依此舉更堅久美
事無以三年拘

送徐典史歸四明

細雨堂前酒初梅雪後吟誰云新識面已是舊知心
冉蓮花幕青青桂子林簾瓢千古意臨別一何深

次汪簿秋日見寄

隔水秋雲薄連山夕照荒去鷗分遠色來鴈帶初涼風
物何常異人生亦自忙因懷吾友問醫俗若為方

送王季寶歸江西

露白邛邛曉霜紅葉葉飛愁邊仍歲晚客裏又人歸未
別情無奈臨分語復遺往來黃子敬莫惜寄新詩

早起

短髮梳殘月輕裳試曉風無言渾似道多病欲成翁竹
簡聊千載藜羹亦萬鍾昂昂非自異瑣瑣得無同

別黃俊昭

歸矣黃夫子清愁葉葉風深知疑我獨無補與人同天
地年年老江河日日東相思有新語并寄鯉魚中

贈胡大使

黃河滄洲人

久客徒催老微名不救窮尋詩亦及我好事宜非公勲

業遊天北家鄉望海東重逢知幾日小酌晚林中

周伯清秋江曬網圖

曬網夕陽斜攜壺入荻花平生誤識字恨不作漁家

懷友

美人不可見煙雨一登樓隔岸誰家竹娟娟不解愁

贈禹弼

相思不見最愁予奈此邨醪儘可沽安得片帆風色順
一時飛過洞庭湖

題寒青亭

并序

余結菴竹莊上率平阜淺流唯南望山有連山如樓臺簾帷之在百里外臨川之雲林也天色清徹時嘗倚杖面之不能已歎曰彼生居是間者其樂當何如也他日蔣君自述其寒青亭者傳以示余余欣然賦一絕寄之時五月二十又二日

簷頭鳥影案頭蠅
鵞鴨溝渠漸漸腥
想見高人延客罷
披衣岸幘坐寒青

追舊二首

自是瀛洲第一人
玉漿麟脯幾曾貧
想今尚秉千金帚
欲掃蓬萊海底塵

空谷何由滯此人
束書萬里豈憂貧
秋清車駕灤河上
匹馬嘶風在後塵

夢祝直清

斜窻半夜月娟娟
宿火添香獨自眠
忽夢潯州祝經歷
滿頭如雪坐空船

贈人

沒馬塵埃白晝馳
人生得似此翁稀
西風牆竹疎疎雨
短帽長髯百衲衣

春帆

能舉人間萬斛舟
中流何用櫓聲柔
楊花兩岸東風軟
送盡斜陽更未收

落梅

更開殘酌不成歡
一片多情拂袖乾
想見孤城吹畫角

朔風斜日莫江寒

晚步

用唐高
蟾韻

茅屋青帘隔晚橋
白沙紅樹迢迢人
生到底頭如雪
莫管春風消不消

呈原卿蕭翁二表兄

濃露微霜菊正開
紅梨紫栗共銜盃
雲山百里頭俱白
十五年間三度來

和吳宗師灤京詩

紫駝白象壯行儀，但覺炎威日日微。
露透地椒清寶仗，風生天棘滿旂旗。
金盤藹藹行新饌，玉體脩脩進袂衣。
自得仙吟因想像，半生元不離門畿。
又一首領聯云：千官擁駕雲朝起，萬

帳隨營雪夜鋪，亦自壯麗相稱。

挽三十七代僊姑

前身知在月中央，金縷瑤環夢未忘。
麟饌已供仙府貴，鸞封猶被國恩長。
碧雲萬里簫聲遠，黃壤千年劒氣藏。
空使人間有悽愴，滿山松柏雨浪浪。

次子勉韻二首

甲午年避地於
彼絕筆之作也

蛇虎縱橫二載餘，偷生於此計何疎。
俗情只欲分茅土，國士終當顧草廬。
留世但知瓶有雀，攜家敢歎食無魚。
試看何氏新園裏，種菜牆根已藹如。

疲馬常思捲旆旌，如何處處尚屯兵。
為邦喜有漢三傑，習禮慚無魯兩生。
雖覺風沙成晝晦，終期河漢向秋明。
買牛負耒歸鄉里，沒齒簞瓢亦已榮。

次何高士成道韻

許我重來意甚真
山林城郭路由分
十年共憶青燈舊
一日相看白髮新
促席未銜盃裏月
攜鎌先割隴頭雲
臨流儘有西風便
杖屨終當逐後塵

贈別楊秀才赴真揚二州打捕提舉司都目

錦江重會各蒼然
別夢驚回二十年
虞府已需君入幕
詩壇猶笑我無瓊
瓊花月冷看騎鶴
玉盃春香取獻豳
此去帆檣千里近
封書到得故人邊

送倪東江之上元縣主簿

沙頭煙際挹征襟
嚼盡梅花出短吟
鄉黨又成千里別
功名聊盡百年心
東南形勢風流遠
吳晉山河蒼莽深
此去吟邊有高邁
客樽應與爾同斟

趙偕寶峯集

偕字子永宋魏王廷美之後遷於慈谿自以前代
宗室不求祿仕嘗讀楊文元公遺書有省隱於大
寶山之東麓學者稱為寶峯先生郡守縣令多執
弟子禮受成法焉門人烏斯道序其遺文謂為有
道之言六世孫文華重刻其詩不多類皆陳腐之
語錄其稍蘊藉者存之

送葉伯奇入官

朔風烈烈海天茫茫良朋告別我心皇皇 既卜隱居
花嶼之陽既有諸賢可以徜徉宣宜今日有茲遠行
吁嗟大道不明久矣矧我後進流俗靡靡正喜幽人所
居依邇開我清明滌我塵滓庶其有賴日新無已不謂
此行匪人可止 蕩蕩上帝厥鑒昭然福善禍淫至公
無偏吾友伯奇道心本全落落默默融融淵淵於人弗
欺常畏於天 矧今執政篤於敬賢豈不念女孝心虔
虔豈不容女奉安爾父以享萬年

送阿賚擇之都目之浮梁

古人在猷畝尚不忘乎君為官不盡職何以為人臣吾
觀四海內茫然浩無垠兵甲尚未息傷哉此良民省臺
與州縣冠蓋多如雲真知小民苦落落今幾人先生業
儒術其才尤出羣皇朝有此老合置要路津白髮已滿
鬢青衫不掛身鬱鬱淹下僚壯志何由伸天寒途路長
北風揚沙塵勗哉加餐飯此外安足云

題引子龍

黑雲萬里隨長風白日失色天濛濛老龍翻身出海底
瞬息之間升太空小龍奮躍力尚微舉頭大叫追其宗
老龍正飛復回顧輝輝紫電生雙瞳浩然神氣兩相接
其間變化難形容秋蟾老子寫此圖野夫一見心忡忡
苦念蒼生久枯槁焚香再拜心肅恭上祈老龍垂惻隱
特遣龍子施神功四時膏澤及時降大有五穀年登豐
風不鳴條雨破塊厝民壽域時熙雍龍兮龍兮有功如
此斯不失其為真龍

送宗元始和尚之天竺維那

覺來何處有鶯鳴
寒碧山中正五更
遙想高人思我處
霜華月色半窗明

數聲鐘罷木魚鳴
不管桑田幾變更
惟有西來意無限
一溪寒玉照人明

上人自有荆山玉
豈愛驪龍領下珠
楊柳湖邊天未曉
偶隨孤棹落西吳

題梅書於周砥道宅壁間

老梅枝老花逾妙幾度相看正眼開不道夜深人正睡
一枝隨月上窗來

送伯奇入官

目斷斜陽雁不來碧空無畔絕塵埃此心久矣堅如石
生意蕭然冷似灰之子入官偏跼蹐誰人為我暫徘徊
秋風已到桂枝上借問緣何花未開


元詩選初集卷四十七

謹案第一頁前五行呼喇美舊作忽刺木今改

一頁前八行托克托舊作脫脫今改 三十八

頁前一行阿賚舊作阿里今改





總校官候補中書臣吳紹潔
校對官編修臣范衷
謄錄貢生臣張誠智